



Llywodraeth Cymru  
Welsh Government

# **Hysbysiad Gwybodaeth Cyllid Myfyrwyr Cymru:**

## **Cynllun Lwfans Cynhaliaeth Addysg a Chynllun Grant Dysgu (Addysg Bellach) Llywodraeth Cymru**

### **Blwyddyn academaidd 2022 i 2023**

SFWIN 05/2022

Mae'r Hysbysiad Gwybodaeth hwn yn rhoi manylion y cynlluniau Lwfans Cynhaliath Addysg (LCA) a Grant Dysgu (Addysg Bellach) Llywodraeth Cymru a asesir ar sail incwm ar gyfer y flwyddyn academaidd 2022 i 2023. Sicrhewch fod yr Hysbysiad Gwybodaeth hwn yn cael ei ddsbarthu i'r holl staff a chydweithwyr sy'n helpu i weinyddu'r cynlluniau.

Bydd copi o'r cynlluniau LCA a Grant Dysgu (Addysg Bellach) Llywodraeth Cymru ar gyfer 2022 i 2023 ar gael i'w [gweld ar dudalen we cyllid a chyllid i fyfyrwyr](#) Llywodraeth Cymru.

## Ffurflenni cais

Agorodd gwasanaeth Cyllid Myfyrwyr Cymru ar gyfer y cynlluniau LCA a Grant Dysgu (Addysg Bellach) Llywodraeth Cymru ar gyfer 2022 i 2023 ar 25 Ebrill 2022. Fel mewn blynyddoedd blaenorol, bydd pecynnau cais dwyieithog ar gyfer y flwyddyn academaidd newydd yn cael eu dosbarthu i ganolfannau dysgu cofrestredig. Bydd y ffurflenni a'r nodiadau canllaw newydd ar gymhwystra a hawl ar gyfer blwyddyn academaidd 2022 i 2023 hefyd ar gael i'w lawrlwytho o wefan [Cyllid Myfyrwyr Cymru](#).

Mae'r dyfarniadau grant a'r trothwyon incwm ar gyfer y cynlluniau LCA a Grant Dysgu (Addysg Bellach) Llywodraeth Cymru wedi'u cynnal ar gyfer blwyddyn academaidd 2022 i 2023.

Gellir cysylltu â gwasanaeth cwsmeriaid dwyieithog Cyllid Myfyrwyr Cymru ar 0300 200 4050.

## Categoriâu preswyliaeth

Mae manylion am gategoriâu preswyliaeth a newidiadau o ganlyniad i ymadael â'r UE ar gyfer blwyddyn academaidd 2022 i 2023 wedi'u nodi yn y tablau yn yr **Atodiad**.

Mae materion preswyliaeth a mewnfudo yn gymhleth ac os oes angen cyngor ar ymgeiswyr wrth gwblhau eu cais am gymorth, dylent gyfeirio at y nodiadau perthnasol neu gysylltu â gwasanaeth Cyllid Myfyrwyr Cymru. Fodd bynnag, dim ond ar ôl derbyn cais wedi'i gwblhau'n llawn gyda thystiolaeth ategol briodol y bydd Cyllid Myfyrwyr Cymru yn gallu penderfynu ar gymhwystra a hawl.

Bydd y ffurflenni a chanllawiau'r cynlluniau LCA a Grant Dysgu (Addysg Bellach) Llywodraeth Cymru ar gyfer blwyddyn academaidd 2022 i 2023 yn adlewyrchu'r newidiadau.

## **Cynllun Grant Dysgu (Addysg Bellach) Llywodraeth Cymru – asesiad ariannol o incwm aelwydydd**

Bydd newidiadau'n cael eu gwneud i'r asesiad ariannol o incwm aelwydydd yng Nghynllun Grant Dysgu (Addysg Bellach) Llywodraeth Cymru ar gyfer y flwyddyn academaidd 2022 i 2023 fel a ganlyn:

- Bydd myfyrwyr annibynnol yn cyd-fynd â myfyrwyr dibynnol a noddwyr/partneriaid at ddibenion asesu incwm. Mae hyn yn golygu, ar gyfer 2022 i 2023, y gofynnir i ymgeiswyr sy'n fyfyrwyr annibynnol ddarparu gwybodaeth incwm ar gyfer y flwyddyn dreth 2020 i 2021. Mae'r newid yn caniatáu i Gyllid Myfyrwyr Cymru wirio manylion incwm yr aelwyd gyda CThEM.
- I adlewyrchu incwm myfyrwyr dibynnol a rhieni a phartneriaid, bydd myfyrwyr annibynnol yn gallu gofyn am asesiad Incwm Blwyddyn Gyfredol os bu gostyngiad yn incwm eu haelwyd ers y flwyddyn dreth 2020 i 2021 nad yw'n ostyngiad dros dro.
- Bydd myfyrwyr dibynnol yn cyd-fynd â myfyrwyr annibynnol ac yn gallu darparu manylion ar gyfer didyniadau incwm a ganiateir.

Bydd y ffurflen gais a'r canllawiau ategol ar gyfer Grant Dysgu (Addysg Bellach) Llywodraeth Cymru yn adlewyrchu'r newidiadau uchod.

## **Trefniadau Covid-19 – presenoldeb, taliadau LCA wedi'u hôl-ddyddio a llofnodi Cytundebau Dysgu**

Bydd y trefniadau disgresiwn a gyflwynwyd mewn ymateb i reoli sefyllfa Covid-19 yn cael eu cynnal ar gyfer blwyddyn academaidd 2022 i 2023. Mae'r manylion yn [Hysbysiad Gwybodaeth \(04/2020\)](#).

## Ymholiadau

Os oes gennych gwestiynau, cysylltwch â Thîm Addysg Uwch Llywodraeth Cymru drwy e-bostio [isadrancyllidmyfyrwyr@llyw.cymru](mailto:isadrancyllidmyfyrwyr@llyw.cymru). Rydym yn croesawu gohebiaeth yn Gymraeg neu'n Saesneg.

Gellir lawrlwytho copi o'r Hysbysiad Gwybodaeth hwn yn Gymraeg neu'n Saesneg o [dudalen we cyllid a chyllid i fyfyrwyr](#) Llywodraeth Cymru.

Gellir gofyn am fersiynau o'r ddogfen hon mewn print bras, mewn Braille neu mewn ieithoedd eraill.

## Atodiad

Bydd newid yn cael ei wneud i'r categori myfyrwyr cymwys canlynol yn y cynlluniau LCA a Grant Dysgu (Addysg Bellach) Llywodraeth Cymru:

Categori	Newid ar gyfer 2022 i 2023
<p><b>Personau a ddiogelir ac aelodau o'u teuluoedd.</b></p> <p>Ar hyn o bryd, mae'r categori hwn yn darparu ar gyfer person (a/neu aelod perthnasol o'r teulu) sy'n cael caniatâd i ddod i mewn neu i aros ar sail:</p> <ul style="list-style-type: none"><li>• Diogelwch dyngarol;</li><li>• Caniatâd fel person di-wladwriaeth;</li><li>• Caniatâd o dan adran 67 i aros;</li><li>• Caniatâd Calais i aros</li></ul>	<p>Bydd y categori'n cael ei ymestyn i gynnwys personau (a/neu aelodau perthnasol o'r teulu) sy'n cael caniatâd i ddod i mewn neu i aros yn y Deyrnas Unedig o dan Bolisi Adleoli a Chymorth Afghanistan neu Gynllun Adsefydlu Dinasyddion Afghanistan.</p> <p>Mae hyn yn debyg i'r newid a wnaed mewn perthynas â chymorth i fyfyrwyr Addysg Uwch ar gyfer 2022 i 2023 a gyfathrebwyd yn <a href="#">Hysbysiad Gwybodaeth (01/2022)</a>.</p>

Newidiadau pwysig eraill sy'n ymwneud â newidiadau o ganlyniad i ymadael â'r UE:

Pwnc	Newid ar gyfer 2022 i 2023
<p><b>2.</b> Dileu darpariaethau'n ymwneud â'r "cyfnod gras" ar gyfer y Cynllun Preswyllo'n Sefydlog i Ddinasyddion yr UE (EUSS).</p>	<p>2.1 Daeth y 'dyddiad cau ar gyfer ceisiadau' a'r 'cyfnod gras' sy'n gysylltiedig â'r Cynllun Preswyllo'n Sefydlog i Ddinasyddion yr UE i ben ar 30 Mehefin 2021. Gwneir darpariaeth ar gyfer y rhain yn Rheoliadau Hawliau Dinasyddion (Dyddiad Cau ar gyfer Ceisiadau a Diogelwch Dros Dro) (Ymadael â'r UE) 2020.</p> <p>Roedd pobl yn gallu gwneud cais am ganiatâd o dan y Cynllun Preswyllo'n</p>

<b>Pwnc</b>	<b>Newid ar gyfer 2022 i 2023</b>
	<p>Sefydlog i Ddinasyddion yr UE tan y dyddiad cau ar gyfer ceisiadau, sef 30 Mehefin 2021. Cedwir rhai hawliau a roddwyd gan Reoliadau Mewnfudo (yr Ardal Economaidd Ewropeaidd) 2016 tan y dyddiad hwnnw hefyd, er gwaethaf y ffaith bod y rheoliadau hynny wedi eu dirymu – sef y ‘cyfnod gras’. At hynny, pan fo'r cyfnod gras wedi dod i ben a bod unigolyn wedi gwneud cais dilys na wnaed penderfyniad yn ei gylch eto, caiff y cyfnod hwn ei estyn tan y gwneir penderfyniad – sef y ‘cyfnod perthnasol’</p> <p>2.2 Gwnaed darpariaeth yn Rheoliadau Addysg (Cyllid Myfyrwyr) (Diwygiadau Amrywiol) (Cymru) (Ymadael â'r UE) 2021 i sicrhau na fyddai unrhyw unigolyn a oedd yn gwneud cais am gymorth i fyfyrwyr, ac a oedd wedi gwneud cais am ganiatâd i aros o dan y Cynllun Preswyllo'n Sefydlog i Ddinasyddion yr UE yn ystod y cyfnod gras, yn cael ei wneud yn anghymwys i gael cymorth i fyfyrwyr yn anfwriadol. Mae diwygiad angenrheidiol wedi ei wneud i'r rheoliadau cymorth i fyfyrwyr i ddileu unrhyw gyfeiriadau at y cyfnod gras (yn unig).</p>
<p><b>Diffiniadau o aelodau teulu gweithwyr AEE/Swisaid.</b></p>	<p>Mae'r canllawiau ar y diffiniadau o aelodau o'r teulu yn cael eu diweddarau mewn ffurflenni cais i gyd-fynd yn well â diffiniadau yn y cynlluniau LCA a Grant Dysgu (Addysg Bellach) Llywodraeth Cymru. Bydd hyn yn gwneud y diffiniadau o aelodau'r teulu yn gliriach ar draws y categorïau preswyl gwahanol perthnasol.</p>

<b>Pwnc</b>	<b>Newid ar gyfer 2022 i 2023</b>
<p><b>Trwydded gweithiwr trawsffiniol neu dystiolaeth gyfatebol arall.</b></p>	<p>Bydd gweithwyr trawsffiniol yn gallu darparu naill ai trwydded gweithiwr trawsffiniol neu dystiolaeth arall eu bod yn weithiwr trawsffiniol.</p> <p>Lle na ddarperir trwydded gweithiwr trawsffiniol, byddai angen tystiolaeth amgen i gadarnhau bod y person naill ai'n weithiwr trawsffiniol cyflogedig neu'n weithiwr trawsffiniol hunangyflogedig sy'n gweithio yn y DU. Bydd ffurflenni cais a chanllawiau'r Cwmni Benthyciadau i Fyfyryr yn adlewyrchu'r rheol hon.</p>
<p><b>Aelodau teulu sy'n ymuno'n hwyr â gwladolion AEE/Swisaid a ddaeth i'r DU cyn 31 Rhagfyr 2020.</b></p>	<p>Mae Cynllun Preswylio'n Sefydlog i Ddinasyddion yr UE yn caniatáu i rai aelodau o'r teulu ddod i'r DU ar ôl 31 Rhagfyr 2020 i ymuno â gwladolyn o'r AEE neu'r Swistir sydd eisoes yn y DU. Rhaid i'r aelod o'r teulu sy'n ymuno wneud cais i Gynllun Preswylio'n Sefydlog i Ddinasyddion yr UE ar ôl cyrraedd y DU ac yn gyffredinol mae ganddynt 90 diwrnod o'i ddyddiad cyrraedd i wneud hynny.</p> <p>Mae gan aelod cymwys o'r teulu sy'n ymuno â gwladolyn sydd eisoes yn y DU hawliau fel dinasyddion o'r dyddiad y maent yn cyrraedd y DU, waeth a ydynt wedi gwneud cais am statws preswlydd cyn-sefydlog neu wedi cael statws preswlydd cyn-sefydlog. Felly, gall Cyllid Myfyryr Cymru asesu ymgeisydd am gyllid myfyryr cyn y dyddiad y rhoddir statws cyn-sefydlog, yn amodol ar fodloni'r rheolau a nodir yng Nghynllun Preswylio'n Sefydlog i Ddinasyddion yr UE.</p>